



Cynigion CBAC ar gyfer addasiadau i gymwysterau Safon Uwch yn haf 2022

Dogfen ymgynghori i ddysgwyr, rhieni a gofalwyr

Mae'r ymgynghoriad ar gael o ddydd Mercher 9 Mehefin tan 23:59 ddydd Mercher 23 Mehefin 2021.



@CBAC_WJEC



WWW.CBAC.CO.UK



@CBACWJEC

Dweud eich dweud: Newidiadau i'r Safon Uwch yn haf 2022

Newidiadau arfaethedig i'r asesiadau Safon Uwch yn 2022

Deallwn fod y sefyllfa bresennol wedi amharu'n sylweddol ar addysgu a dysgu y dysgwyr drwy gydol 2020 a 2021.

Felly, rydyn ni'n ymgynghori ar newidiadau arfaethedig i'r ffordd y bydd ein cymwysterau Safon Uwch yn cael eu hasesu yn haf 2022.

Yn y llyfryn hwn, amlinellir addasiadau arfaethedig CBAC i'n cymwysterau TAG wedi'u cymeradwyo ar gyfer haf 2022. Nid yw ein cymwysterau TAG Eduqas fel astudiaethau ffilm, daeareg ac electroneg wedi'u cynnwys yn y llyfryn hwn. Cymwysterau wedi'u hachredu gan Ofqual yw'r rhain. Mae manylion i ddilyn am y newidiadau i'r cymwysterau hynny.

Rydyn ni am glywed eich barn chi fel dysgwr, rhiant neu ofalwr – mae'n bwysig i chi gael dweud eich dweud am ein cynigion.

Yn y llyfryn hwn, mae trosolwg o'n cynigion a dylech chi ddarllen y llyfryn cyn i chi gwblhau'r arolwg.

Pa egwyddorion y mae'n rhaid i CBAC eu dilyn?

Amlinellodd Cymwysterau Cymru, y rheoleiddiwr arholiadau, saith o egwyddorion y mae'n rhaid i CBAC eu dilyn wrth wneud newidiadau i asesiadau Safon Uwch. Rhaid i CBAC geisio:

1. sicrhau nad yw dysgwyr yn cael mantais nac yn cael anfantais o gymharu â'u cyfoedion mewn awdurdodaethau eraill
2. sicrhau bod pob cymhwyster yn arwydd dibynadwy o'r wybodaeth, y sgiliau a'r ddealltwriaeth a bennir yn y cymhwyster yn dilyn unrhyw addasiadau i asesiadau
3. sicrhau nad yw cynnwys cymwysterau, yn gyffredinol, yn cael ei leihau; fodd bynnag, gellir ailstrwythuro cynnwys fel y gellir ei symleiddio'n rhesymol, megis mewn perthynas ag unedau dewisol.
4. sicrhau bod hydrinedd asesiad yn cael ei gynyddu i'r eithaf, lle bydd hyn yn caniatáu cynnydd yn yr amser addysgu er mwyn lleihau'r effaith ar ganlyniadau
5. cynnal safonau, cyn belled ag y bo modd, o fewn yr un cymhwyster yn unol â blynyddoedd blaenorol
6. cynnal safonau, cyn belled ag y bo modd, ar draws cymwysterau tebyg sydd ar gael gan CBAC a chan gyrff dyfarnu eraill
7. sicrhau bod hyblygrwydd wrth ddarparu asesiadau yn cael ei gynyddu i'r eithaf er mwyn lleihau effaith aflonyddwch, salwch neu gwarantyn, gan gynnwys cyfyngiadau symud ar lefel leol.

Pa dybiaethau gafodd eu gwneud gennym?

1. Bydd pob dysgwr wedi colli rhai cyfleoedd i ddatblygu sgiliau a gwybodaeth hanfodol, mewn gwaith ymarferol yn arbennig. Ni allwn gymryd yn ganiataol, felly, y bydd yr un ehangder sgiliau a gwybodaeth gan y dysgwyr hynny sy'n sefyll eu hasesiadau yn haf 2022 ag y byddai disgwyl iddynt eu cael fel arfer.
2. Bydd ysgolion a cholegau ar agor am y cyfan neu'r rhan fwyaf o flwyddyn academiaidd 2021-2022.
3. Bydd rhai addasiadau ar waith ar gyfer pob cymhwyster Safon Uwch yn asesiadau haf 2022.
4. Mae'n debygol y bydd arholiadau yn digwydd yn ôl yr arfer yn 2022 gan ddefnyddio cynnwys wedi'i addasu ac asesiadau wedi'u haddasu hefyd lle y bo'n briodol gwneud hynny.
5. Mae'n debygol y bydd arholiadau yn digwydd yn ôl yr arfer yn 2023 heb unrhyw addasiadau.

Nid asesir dysgwyr Safon Uwch ar unedau UG unrhyw bynciau yn 2022. Bydd y radd Safon Uwch yn seiliedig ar ganlyniadau'r unedau U2 yn unig. Mae hyn yn golygu bod yr asesiad 40% yn llai ar draws y cymhwyster Safon Uwch llawn i ddysgwyr sy'n ardystio yn 2022. Mae'n bwysig nodi, fodd bynnag, er nad asesir dysgwyr Safon Uwch ar unedau UG yn 2022, ein bod yn cynnig yr addasiad hwn gan y bydd cynnwys y pwnc ar gyfer UG ac U2 yn y fanyleb addasedig wedi'i addysgu i'r dysgwyr hynny.

Bwriad yr addasiadau i'r cymwysterau Safon Uwch a amlinellir isod yw symleiddio'r cynnwys i'w asesu yn yr unedau U2 yn 2022, gan gadw'r asesiad llawn o 60% yn yr unedau hynny, lle bynnag y bo'n bosibl gwneud hynny. Mae hyn yn digwydd er mwyn sicrhau bod y cymwysterau Safon Uwch a ddyfernir i ddysgwyr yng Nghymru yn 2022 yn ddilys, dibynadwy ac yn gallu cael eu cymharu â'r cymwysterau Safon Uwch a ddyfernir i ddysgwyr yn Lloegr a Gogledd Iwerddon.

Mae'r tablau ar dudalennau 3 a 4 yn amlinellu'r addasiadau arfaethedig ar gyfer cymwysterau Safon Uwch unigol.

Dweud eich dweud

Ymatebwch i'r arolwg ar-lein [yma](#) a mynegwch eich barn. Mae'r arolwg ar gael o 09 Mehefin tan 23:59 ar 23 Mehefin 2021.

Cymwysterau Safon Uwch CBAC

Pwnc	Addasiadau arfaethedig ar gyfer 2022
TGCh Gymhwysol	Yn Uned 3, bydd yr ymdriniaeth â'r senario gychwynnol yn digwydd fel gweithgaredd dosbarth cyfan 'dan arweiniad yr athro' yn hytrach na chael ei gwblhau gan nifer o grwpiau bach.
Celf a Dylunio	Nid asesir Uned 3 (aseiniad wedi'i osod yn allanol)
Bioleg / Cemeg / Ffiseg	- Bioleg - Nid asesir cynnwys wedi'i enwi ar gyfer Uned 4 - Cemeg - Nid asesir cynnwys wedi'i enwi ar gyfer Uned 3 ac Uned 4 - Ffiseg - Nid asesir cynnwys wedi'i enwi ar gyfer Uned 4
Busnes	Nid asesir cynnwys wedi'i enwi ar gyfer Uned 3 ac Uned 4
Cyfrifiadureg	Nid asesir cynnwys wedi'i enwi ar gyfer Uned 3 ac Uned 4
Dylunio a Thechnoleg	- Nid asesir cynnwys wedi'i enwi ar gyfer Uned 3 - gall dysgwyr gwblhau model/brasfodel o'u dyluniad terfynol yn lle prototeip yn Uned 4
Drama a Theatr	- Yn Uned 3 maint lleiaf grŵp fydd un actor a bydd yr isafswm amser perfformio yn cael ei leihau. Bydd y gofynion lleiaf ar gyfer yr opsiwn dylunio hefyd yn cael eu lleihau. - rhoi gwybod ymlaen llaw am rai o'r agweddau fydd yn cael eu hasesu yn yr arholiad Uned 4
Economeg	Nid asesir cynnwys wedi'i enwi ar gyfer Uned 3 ac Uned 4
Saesneg Iaith	Rhoi gwybod ymlaen llaw am rai o'r genres/pwrpasau testun fydd yn cael eu hasesu yn yr arholiadau Uned 3 ac Uned 4
Saesneg Iaith a Llenyddiaeth	Bydd adran A (Astudiaeth o Genre) yn cael ei thynnu o Uned 5 (Asesiad Di-arholiad)
Llenyddiaeth Saesneg	Rhoi gwybod ymlaen llaw pa ddarnau/cerddi fydd yn cael eu hasesu yn yr arholiadau Uned 3 ac Uned 4
Ffrangeg/Almaeneg/Sbaeneg	- Yn Uned 3 Siarad (Asesiad Di-arholiad), bydd amseriad un o'r tasgau yn cael ei leihau - nid asesir un is-thema wedi'i henwi yn yr arholiad Uned 4
Daearyddiaeth	Bydd Adran B (themâu cyfoes mewn daearyddiaeth) yn yr arholiad Uned 4 yn ymdrin ag un thema ddewisol yn unig
Llywodraeth a Gwleidyddiaeth	Nid asesir cynnwys wedi'i enwi ar gyfer Uned 3 ac Uned 4
Iechyd a Gofal Cymdeithasol, a Gofal Plant	- Yn Asesiad Di-arholiad Uned 4 (llwybr gofal plant) nid asesir Tasg 1, rhan (b)(ii) a (d)(i) - Yn Asesiad Di-arholiad Uned 6 (llwybr iechyd a gofal cymdeithasol) nid asesir Tasg 1, rhan (b)(ii) a (d)(i)
Hanes	Yn yr arholiad Uned 3, nid asesir cwestiynau â chyfnod amser byr
TGCh	Nid asesir cynnwys wedi'i enwi ar gyfer Uned 3
Y Gyfraith	Nid asesir cynnwys wedi'i enwi ar gyfer Uned 3 ac Uned 4
Mathemateg a Mathemateg Bellach	- Nid asesir cynnwys wedi'i enwi ar gyfer Mathemateg Uned 3 ac Uned 4 - nid asesir cynnwys wedi'i enwi ar gyfer Mathemateg Bellach Uned 4, Uned 5 ac Uned 6

Mae'r fersiynau heb eu haddasu o'n manylbau i'w gweld ar dudalennau'r pynciau ar ein gwefan [yma](#)

Pwnc	Addasiadau arfaethedig ar gyfer 2022
Astudio'r Cyfryngau	- Yn Uned 3 bydd nifer y cynhyrchion gosod i'w hastudio ar gyfer pob adran yn mynd i lawr o dri i ddau - bydd dysgwyr yn creu un cynnyrch y cyfryngau yn unig yn Asesiad Di-arholiad Uned 4 a bydd y gofynion (amser/tudalennau/lluniau) yn cael eu lleihau - derbynnir cynrychiadau wedi'u cwblhau'n rhannol ar gyfer Asesiad Di-arholiad Uned 4
Cerddoriaeth	- Bydd yr amser perfformio yn cael ei leihau yn Uned 4 - dim ond un cyfansoddiad fydd ei angen yn Uned 5 (opsiwn A) - dim ond dau gyfansoddiad fydd eu hangen yn Uned 5 (opsiwn B)
Addysg Gorfforol	Yn Asesiad Di-arholiad Uned 4 asesir dwy adran gyntaf y Project Ymchwil Ymchwiliol yn unig: <i>Cwblhau dadansoddiad cychwynnol o berfformiad personol gan nodi ymchwil priodol i helpu i wella perfformiad</i> <i>Gwerthuso ymchwil, gan gynnwys data, er mwyn gwneud argymhellion a chynllun ar gyfer gwella perfformiad.</i>
Seicoleg	Yn Adran A yr arholiad Uned 3, bydd gofyn i ddysgwyr ateb dau gwestiwn yn lle tri.
Astudiaethau Crefyddol	- Nid asesir cynnwys wedi'i enwi (Thema 1) yn yr arholiad Uned 4 - nid asesir cynnwys wedi'i enwi (Thema 4) yn yr arholiad Uned 5
Cymdeithaseg	Rhoi gwybod ymlaen llaw am rai o'r agweddau fydd yn cael hasesu yn yr arholiad Uned 3
Cymraeg Iaith	- Yn Uned 5 bydd nifer y cerddi i'w hastudio yn mynd i lawr o saith i chwech - yn Uned 6 bydd nifer y ffurfiau ysgrifennu i'w hastudio yn mynd i lawr o saith i bump
Cymraeg Ail Iaith	- Yn Uned 5 bydd cyfnod yr astudiaeth o'r Gymraeg yn y gymdeithas yn cael ei leihau o ganol yr 20fed ganrif hyd heddiw i'r 1980au hyd heddiw - Yn Uned 6 bydd nifer y straeon byrion i'w hastudio yn mynd i lawr o bedwar i dri

Mae'r fersiynau heb eu haddasu o'n manylebau i'w gweld ar dudalennau'r pynciau ar ein gwefan [yma](#)